

Արքայի առանց նուազեցուցանելոյ եւ նշանախեց մի անգամ, զայսոսիկ ասէ Պօղոս վարդապետ 'ի նամակի իւրում, եւ ինքնին լուայ 'ի բերանոյ մեծամեծաց Տէրութեանն: Եւ գլխաւորք ազգին, որք ժողովեալ էին 'ի սենեակ Լօնճայի, ետուն դրել փոխանորդին յերուսաղէմ, թէ յընդգիմանալ հակառակորդաց, չէ պարտ այլ եւս մաքառիլ ընդ նոսա, և առաւել քան զչափն թափիլ 'ի դրամոց, այլ 'ի ձեռն սուրհանդակի փութապէս ծանուցանել պարագայիւք, զի թարգմանեալ զգիրսն տացեն Արքայի, եւ վասն առաւել աղբեցութեան՝ տացեն դրել նաեւ Նուրի Էֆէնտիայ:

Մինչդեռ Թէոդորոս Պատրիարք տատանեալ կայր 'ի խորհուրդս իւրովքն հանդերձ վասն անյաջող ելից իրաց, ահա եհաս յերուսաղէմ Նուիրակապետն Արքայի հրովարտակաւ ('ի 26 Հոկտեմբեր) ուղղեալ առ Քաղաքապետն Երուսաղէմի Ապաիւլ Քէրիմ Ալա, յորում յետ այլոց բանից ասէր. որովհետեւ Մուսաննըֆ Դատաւորն երուսաղէմի այլ և այլ մեկնութիւնս տուեալ բանից Կայսերական հրովարտակին հակառակ եկաց նմին եւ ոչ կամեցաւ գործադրել զնա, որոյ վասն աքսորեսցի 'ի Կիպրոս կղզին:

Ահ պատեաց զՔաղաքապետն և դողայր, զի համախոհ էր Դատաւորին, եւ կոծէին զանձինս իւրեանց. զի ընդդէմ կացին հրամանի Արքային: Զահի հարան նաեւ Յոյնք և կուսակիցք նոցին՝ այլազգիք, եւ բարեք ծանեան թէ Մուլթան Մահմուտ Բ. ինքնին կացեալ է 'ի գլուխ գործոյն, եւ Դատաւորն սկսաւ հանել 'ի վաճառ զկարասիս իւր եւ 'ի չքմեղս լեալ ասէր՝ թէ զինակիր Արքային պատուիրեաց ինձ պաշտպան լինիլ Յունաց, և չթողուլ Հայոց յափշտակել տեղի ինչ 'ի ձեռաց նոցին, որոյ վասն առաքեցայ աստ. զի չեւ էր հասեալ ժամանակ դատաւորութեան իմոյ, Բայց Քաղաքապետն յորդորէր զՆուիրակապետն չաճապարել. գուցէ Արքայն փութացուցէ ասէ զգիր ապատութեան նորին 'ի ձեռն միջնորդաց, մանաւանդ զինակրին: Այլ նա ասէր. յետ տալոյ ինձ զգիրս 'ի Դրանէ, պատուիրեաց զինակիրն փութանակի հանել զնա յերուսաղէմէ. զի Սօճաքեանն արգելաւ 'ի բանտ և դատի, եւ վրէժխնդիր են սակս անկատար թողլոյ նորս